



Formannafundur

## 2. formannafundur HSV starfsárið 2015-2016, miðvikudaginn 9. mars 2016 kl 18 á skrifstofu HSV.

Mættir eru: Þorgerður Karlsdóttir Stefni, Guðfinna Hreiðarsdóttir íþróttafélagið Vestri, Kristinn Kristjánsson GÍ, Jóhanna Oddsdóttir SFÍ, Guðmundur Valdimarsson Skotís, Guðmundur Ágústsson Kubbi, Ingólfur Þorleifsson KFÍ, Guðný Stefanía Stefánsdóttir HSV og Sigríður Lára Gunnlaugsdóttir sem ritaði fundargerð

Dagskrá fundar:

1. Afreksmannasjóður HSV
2. Landsmót UMFÍ 50+
3. Sameiginlegar styrktaræfingar
4. Héraðsþing 2016
5. Fræðslu og verkefnasjóður UMFÍ - umsóknarfrestur
6. Verkefnasamningur
7. Önnur mál

Dagskrá fundar:

Guðný formaður býður fundarmenn velkomna.

### 1. Afreksmannasjóður HSV

Jón Páll Hreinsson formaður stjórnar Afrekssjóðs HSV kynnir hugmyndir starfshóps sem mótar starfsreglur fyrir sjóðinn samkvæmt þeirri reglugerð sem samþykkt var á síðasta ársþingi HSV. Hugmyndin er sú að einbeita sér að yngri afreksmönnum. Markmiðið er að búa til prógram þannig að afrekmaðurinn fái stuðning á breiðu sviði með aðkomu sérfræðnga. Einnig verði afrekmaðurinn aðstoðaður við markmiðasetningu og framtíðaráætlun. Formannafundur samþykkir eftirfarandi ályktun:

*Formannafundur HSV þann 9. mars 2016 lýsir yfir ánægju sinni með þá vinnu sem er í gangi við afrekssjóðinn. Fundur samþykkir að veita stjórn sjóðsins umboð til að útbúa ramma og starfsreglur samkvæmt nýrri reglugerð, þannig að úthluta megi úr sjóðnum á þessu ári.*

### 2. Landsmót UMFÍ 50+

Framkvæmdastjóri kynnir stöðu undirbúnings fyrir landsmót. Svona mótahald er mannfrekt og mun verða leitað til félaganna eftir sjálfboðaliðum til vinnu. Nokkuð rætt um skiptingu ágóða af mótinu verði hann einhver. Stjórn HSV hefur ákveðnar hugmyndir sem voru kynntar fundarmönnum. Formenn beðnir um að hvetja sína félagsmenn til að taka þátt í mótinu.

### 3. Sameiginlegar styrktaræfingar.

Fengist hafa styrkir upp á 400.000 í þetta verkefni. Undirbúningsvinna er í gangi í samstarfi við Sjúkraþjálfun Vestfjarða og væntanlega verða þjálfarar fengnir með í það starf nú eftir páska. Miðað er við að verkefnið byrji í lok ágúst.

### 4. Héraðsþing 2016

Stjórn HSV hefur ákveðið að næsta héraðsþing HSV verði haldið í Stjórnsýsluhúsinu á Ísafirði 18. maí kl. 17.00. Stjórn hvetur félög til að koma með tillögur tímanlega fyrir þingið. Stjórn



## Formannafundur

mun leggja fram tillögu að lagabreytingu þar sem skil félaga á starfsskýrslum og reikningum verður gerð strangari.

5. Fræðslu og verkefnasjóður UMFÍ – umsóknarfrestur  
Umsóknarfrestur er til 1. apríl fyrir úthlutun í maí. Félög hvött til að sækja um í sjóðinn. Framkvæmdastjóra HSV falið að senda formönnum frekari upplýsingar um umsóknarferlið og fyrri úthlutanir úr sjóðnum.
6. Verkefnasamningur  
Formaður kynnir tillögu að skiptingu verkefnasamnings. Tillagan samþykkt samhljóða.
7. Önnur mál
  - a. Sundhöll Ísafjarðar – Samkeppni  
Framkvæmdastjóri kynnir að á næsta fundi íþrótta- og tómstundaneftndar verða kynntar forsendur hugmyndasamkeppni fyrir Sundhöllina. Nokkrar umræður urðu um samkeppnina og forgangsröðun í uppbyggingu íþróttamannvirkja.  
Fram kemur tillaga um að allir formenn skrifi undir yfirlýsingu þar sem lýst er yfir að öll félög séu sammála um að forgangsatrði í uppbyggingu íþróttamannvirkja sé að byggja fjölnota íþróttahús. Framkvæmdastjóra og formanni falið að ljúka því máli.

Fundi slitið kl. 19:18